

樂府詩集

冊七

卷之四

四

樂府詩集卷第九十三

太原望嶽人郭茂倩

編次

新樂府辭

樂府雜題

塞下曲十一首

僧貫休

下營依遁甲分師把河隍地使人心惡風吹旗燄荒搜山見探卒放
火獵黃羊唯有南飛雁聲聲斷客腸
歸去是何年山連邏迤川蒼黃曾戰地空闊養鵬天旗插蒸沙堡槍
擔卓槊泉蕭條寒日落號令徹窮邊

虜寇日相持如龍馬不肥突圍金甲破趁賊鐵槍飛漢月堂堂上胡
雲慘慘微黃河冰已合猶未送征衣

南北唯堪恨東西實可嗟常飛侵夏雪何處有人家風刮陰山薄河
推大岸斜只應寒夜夢時見故園花

不是將軍勇胡兵豈易當雨曾淋火陣箭又中金瘡鐵嶺全無土豺
羣亦有狼因思無戰日天子是陶唐

榆葉飄蕭盡關防烽寨重寒來知馬疾戰後覺人兇燒逐飛蓬死沙
生毒霧濃誰能奏明主功業已堪封

萬戰千征地蒼茫古寨門陰兵爲客祟惡酒發刀痕風落落崑崙食河
萌首舊根將軍更移帳日日近西蕃

古塞腥膻地胡兵聚如蠅寒鵬中髀石落在黃河冰蒼茫邏沙城枿
枿賊氣興鑄金禱秋穹遷擬相憑陵

戰骨踐成塵飛入征人目黃雲忽變黑戰鬼作陣哭陰風吼大漠火
號出不得誰爲天子前唱此邊城曲

日向平沙出還向平沙沒飛蓬落陣營驚鵬去天末帝鄉青樓倚霄
漢歌吹掀天對花月豈知塞上望鄉人日日雙眸滴清血

狼烟作陣雲匈奴愛輕敵領兵不知數牛羊復吞磧嚴冬大河枯嫖

姚去深擊戰血染黃沙風吹映天赤

同前六首

盧綸

鷺翎金僕姑燕尾繡螫弧獨立揚新令千營共一呼
林暗草驚風將軍夜引弓平明尋白羽沒在石稜中
月黑雁飛高單于夜遁逃欲將輕騎逐大雪滿弓刀
野幕蔽瓊筵羌戎賀旋醉和金甲舞雷鼓動山川
調箭又呼鷹俱聞出世能奔狐將迸雉掃盡古丘陵
亭亭七葉貴蕩蕩一隅清他日題麟閣唯應獨不名

同前二首

僧皎然

寒塞無因見落梅胡人吹入笛聲來勞勞亭上春應度夜夜城南戰
未回

都護今年破武威胡沙萬里鳥空飛旄竿瀚海掃雲出氍騎天山踏
雪歸

一珍做宋版印

同前

李賀

胡角引北風
薊門白於水
天含青海道
城頭見千里
露下旗濛濛
寒金鳴夜刻
蕃甲鑱蛇鱗
馬嘶青塚白
秋靜是旄頭
沙遠席萁愁
帳北天應盡
河聲出塞流

同前

劉駕

勒兵遼水邊
風急卷旌旃
旃絕塞陰無
草平沙去盡
天下營看斗
建傳號信狼
烟聖代青青
史當時破虜
年

同前二首

王維

辛勤幾出黃
花戍迢遞初
隨細柳營塞
晚每愁殘月
苦邊秋更逐
斷蓬驚

年少辭家從
冠軍金裝寶
劍去邀勳不
知馬骨傷寒
水唯見龍城
起莫雲

同前二首

令狐楚

雪滿衣裳冰滿鬚
曉隨飛將伐單于
平生志氣今何在
把得家書淚似珠

邊草蕭條塞雁飛
征人南望盡霑衣
黃塵滿面長須戰
白髮生頭未得歸

同前五首

張仲素

三戍漁陽再渡遼
驛弓在臂劍橫腰
匈奴欲似知名姓
休傍陰山更射鵰

獵馬千羣雁幾雙
燕然山下碧油幢
傳聲漢北單于破
火照旌旗夜受降

朔雪飄飄開雁門
平沙歷亂卷蓬根
功名恥計擒生數
直斬樓蘭報國恩

隴水潺湲隴樹秋
征人到此淚雙流
鄉關萬里無因見
西戍河源早晚休

陰磧茫茫塞草腓
枯棹峰上莫烟飛
交河北望天連海
蘇武曾將漢節歸

同前六首

戎昱

慘慘寒日沒北風
卷蓬根將軍領疲
兵却入古塞門回
頭指陰山殺氣成
黃雲

上山望胡兵胡馬
馳驟速黃河冰已
合意又向南牧嫖
姚夜出軍霜雪割
人肉

塞北無草木烏鳶
巢僵屍決滸沙漠
空終日胡風吹戰
卒多苦辛苦辛無
四時

晚渡西海西向東
看日沒傍岸砂礫
堆半和戰兵骨單
于竟未滅陰氣常
勃勃

城上畫角哀則知
兵辛苦試問左右
人無言淚如雨何
意休明時終年事
鼙鼓

北風凋白草胡馬日駸駸夜後戍樓月秋來邊將心鐵衣霜露重戰馬歲年深自有盧龍塞烟塵飛至今

同前

丁稜

北風鳴晚角雨雪塞雲低烽舉戰軍動天寒征馬嘶出營紅旆展過磧暗沙迷諸將年皆老何時罷鼓鼙

同前

郎士元

寶刀塞上兒身經百戰曾百勝壯心竟未嫖姚知白草山頭日初沒黃沙戍下悲歌發蕭條夜靜邊風吹獨倚營門望秋月

同前

許渾

夜戰桑乾雪秦兵半不歸朝來有鄉信猶自寄征衣

同前

周朴

石國胡兒向磧東愛吹橫笛引秋風夜來雲雨皆飛盡月照平沙萬里空

同前二首

張 祐

二十逐嫖姚分兵遠戍遼雪迷經塞夜冰壯渡河朝促放鵬難下生
騎馬未調小儒何足問看取劍橫腰

萬里配長陁連年慣野營入羣來揀馬拋伴去擒生箭插鵬翎闊弓
盤鵲角輕問看行遠近西去受降城

塞下

李宣遠

秋日并州路黃榆落故關孤城吹角罷數騎射鵬還帳幕遙臨水牛
羊自下山行人正垂淚烽火起雲間

同前三首

沈 彬

塞葉聲悲秋欲霜寒山數點下牛羊映霞旅雁隨疎雨向磧行人帶
夕陽邊騎不來沙路失國恩深後海城荒胡兒向化新成長猶自千
回問漢王

貴主和親殺氣沉燕山閒獵鼓聲音旗分雪草偷邊馬箭入寒雲落

塞禽隴月盡牽鄉思動戰衣誰寄淚痕深金釵謾作封侯別擘破佳人萬里心

月冷榆關過雁行將軍寒笛老思鄉貳師骨恨千夫壯李廣魂飛一劍長戍角就沙催落日陰雲分磧護秋霜誰知漢武輕中國閒奪天山草木荒

交河塞下曲

胡曾

交河冰薄日遲遲漢將思家感別離塞北草生蘇武泣隴西雲起李陵悲曉侵雉堞烏先覺春入關山雁獨知何處疲兵心最苦夕陽樓上笛聲時

汾陰行

李嶠

君不見昔日西京全盛時汾陰后土親祭祠齊宮宿寢設廚供撞鐘鳴鼓樹羽旗漢家五世才且雄賓延萬靈服九戎柏梁賦詩高宴罷詔書法駕幸河東河東太守親掃除奉迎至尊導鑾輿五營將校列

容衛三河縱觀空里閭回旌駐蹕降靈場焚香奠醑邀百祥金鼎發
食正焜煌靈祇煒燁攄景光埋玉陳牲禮神畢舉麾上馬乘輿出彼
汾之曲嘉可游木蘭爲檝桂爲舟櫂歌微吟綵鷁浮簫鼓哀鳴白雲
秋歡娛宴洽賜羣后家家復除戶牛酒聲明動天樂無有千秋萬歲
南山壽自從天子向秦關玉輦金車不復還珠簾羽帳長寂寞鼎湖
龍髯安可攀千齡人事一朝空四海爲家此路窮雄豪意氣今何在
壇場宮館盡蒿蓬路逢古老長歎息世事回環不可測昔時青樓對
歌舞今日黃埃聚荊棘山川滿目淚沾衣富貴榮華能幾時不見只
今汾水上唯有年年秋雁飛

大梁行

唐堯客

客有成都來爲我彈鳴琴前彈別鶴操後奏大梁吟大梁傷客情荒
臺對古城版築有陳迹歌吹無遺聲雄哉魏公子疇日好羅英秀士
三千人煌煌象列星金槌奪晉鄙白刃刎侯嬴邯鄲救趙北函谷走

秦兵君子榮且昧忠信莫之明間諜忽來及雄圖靡克成千齡萬化
盡但見榮與清舊國多狐兔夷門荆棘生蒼梧彩雲沒汴浦綠池平
聞有東山去蕭蕭班馬鳴河洲寧宿莽日夕淚沾纓因之唁公子慷
慨此歌行

同前

高適

古城莽蒼饒荆榛驅馬荒城愁殺人魏王宮觀盡禾黍信陵賓客隨
灰塵憶昔雄都舊朝市軒車照^{一作曜}歌鍾起軍容帶甲三十萬國
步連衡一千里全盛須臾那可論高臺曲池無復存遺墟但見狐狸
跡古地空多^{一作餘}草木根莫天搖落傷懷抱撫劍悲歌對秋草俠客
猶傳朱亥名行人尙識夷門道白壁黃金萬戶侯寶刀駿馬填山丘
年代淒涼不可問往來唯見水東流

洛陽行

張籍

洛陽宮闕當中州城上峨峨十二樓翠華西去幾時返巢巢乳鳥藏

蟄燕御門空鑱五十年稅彼農夫修玉殿六街朝莫鼓鑿鑿禁兵持戟守空宮百官月月謝拜表驛使相續長安道上陽宮樹黃復綠野豺入苑食麋鹿陌上老翁雙淚垂共說武皇巡幸時

永嘉行

晉書曰懷帝永嘉五年六月劉曜王彌陷洛陽入于南宮升太極前殿縱兵大掠悉收宮人珍寶曜於是害諸王公及百官已下三萬餘人遷帝於平陽劉聰以帝爲會稽公按劉元海本匈奴冒頓之後曜其族子也

黃頭鮮卑入洛陽胡兒持戟昇明堂晉家天子作降虜公卿齊走如牛羊紫陌旌旛暗相觸家家雞犬驚上屋婦人出門隨亂兵夫死眼前不敢哭九州諸侯自曠土無人領兵來護主北人避胡多在南南人至今能晉語

田家行

王建

男聲欣欣女顏悅人家不怨言語別五月雖熱麥風清簷頭索索縲
車鳴野蠶作繭人不取葉間撲撲秋蛾生麥收上場絹在軸的知輸
得官家足不願一作望入口復上身且免向城賣黃犢田家衣食無厚
薄不見縣門身卽樂

同前

元稹

牛吒吒田确确旱塊敲牛蹄趵趵種得官倉珠顆穀六十年來兵簇
簇日月食糧車轆轤一日官軍收海服驅牛駕車食羊肉歸來收得
牛兩角重鑄樓犁作斤斲姑舂婦擔輪官不足歸賣屋願官早勝讎
早覆農死有兒牛有犢不遣官軍糧不足

思遠人

王建

妾思常懸懸君行復綿綿征途向何處碧海與青天歲久自有念誰
令長在邊少年若不歸蕭室如黃泉

同前

張籍

野橋春水清橋上送君行去去人應老年年草自生出門看遠道無
信向邊城楊柳別離處秋蟬今復鳴

憶遠曲

水上山沉沉征途渡遠林途荒人行少馬跡猶可尋雪中獨立樹海
口失侶禽誰愛如長綿千里縈我心

同前

元稹

憶遠曲郎身不遠郎心遠沙隨郎飯俱在匙郎意看沙那比飯水中
畫字無字痕君心暗畫誰會君況妾事姑姑進止身去門前同萬里
一家盡是郎腹心妾似生來無兩耳妾身何足言聽妾私勸君君今
夜夜醉何處姑來伴妾自閉門嫁夫恨不早養兒將備老妾自嫁郎
身骨立老姑爲郎求娶妾妾不忍見姑郎忍見爲郎忍耐看姑面

望遠曲

孟郊

朝朝候歸信日日登高臺行人未去植庭梅別來三見庭花開庭花

開盡復幾時春光駘蕩阻佳期愁來望遠烟塵隔空憐綠鬢風吹白
何當歸見遠行客

夫遠征

元稹

趙卒四十萬盡爲坑中鬼趙王未信趙母言猶點新兵更填死填死
之兵兵氣索秦彊趙破括敵起括雖專命起尙輕何況牽肘之人牽
不已坑中之鬼妻在營髻麻戴經鵝雁鳴送夫之婦又行哭哭聲送
死非送行夫遠征遠征不必戍長城出門便不知死生

樂府詩集卷第九十三

東吳毛晉訂正

男展再訂